

Նախիջևանի և Բեսարաբիայի թեմի, Ռուսաստանի ամենամեծ թեմի՝ առաջնորդի պաշտօնում,— պարգևատրուելով ս. Ստանիսլաւի օրդէնով: Նորին բարձր սրբազնութիւնը ունի նաև ուրիշ պարգևներ:

Ցաւում ենք, որ նորին բարձր սրբազնութեան առանձին համաստութեան պատճառով մենք զրկուած ենք նորա բազմադէին գործունէութեան մասին կարևոր նիւթեր ձեռքի տակ ունենալուց, որովհետև նորին բարձր սրբազնութիւնը այն հոգևորականներից չէ, որոնք իւրեանց գործունէութիւնը հռչակելու համար առանձին գործակալներ են ունենում: Յայտնի է որ նա միշտ համատարէն և գործի համար գործող մարդ է եղել և ոչ ի ցոյցս մարդկան:

Վերայիշեալ ռուս լրագրի յօդուածին մենք կաւելացնենք, որ անցեալ կաթողիկոսական ընտրութեան ժամանակ Կովկասի հայ ինտէլիգէնցիայի մի լուրջ մասի կաթողիկոսական կանդիդատներին մէկը համարում էր սրբազան Ներսէս Արքեպիսկոպոսը:

ՄՐՑԱՆԱԿԱՅԱԶԻՄՈՒԹԻՒՆ

Մեզ հաղորդում են Կ. Պօլսից, որ անցեալները տեղի է ունեցել այնտեղ Սահակ-Մեսրոպեան Մրցանակի Յանձնաժողովի ձեռքով ընտրելագոյն քարոզների մրցանակաբաշխութիւնը: 133 հատ կեղծանունով առաջարկուած քարոզներից առաջնակարգ մրցանակի են արժանացել քսաններկուսը, որոնցից միայն մէկի հեղինակն է Ռուսաստանցի հայ հոգևորական, այն է Բագուի ս. Լուսաւորիչ եկեղեցու միաբան արք. Հ. Ներսէս քահ. Տէր Կարապետեանցը: Քարոզի նիւթն է շիտա՞ծ Յարութեան, որ ասուած է յիշեալ եկեղեցում: